


Inkonde shaba maama




- ✎ Ursula Nafula
- ✉ Catherine Groenewald
- 📄 Sandra Mulesu
- 📄 4
- 😊 IciBemba bem



Global Storybooks
globalstorybooks.net

Inkonde shaba maama

- ✎ Ursula Nafula
- ✉ Catherine Groenewald
- 📄 Sandra Mulesu




This work is licensed under a Creative Commons
[Attribution 3.0 International License](https://creativecommons.org/licenses/by/3.0).
<https://creativecommons.org/licenses/by/3.0>







Ibala lyaba maama lyali ilisuma sana,
mwali amasaka, amale, na tute. Nomba
ifisuma palifyonse ni nkonde. Nangula
bamaama bakwete abeshikulu abengi,
Nalishibe ukuti nine batemwishishe.
Balenjita lyonse kung'anda kumwabo.
Balenshimikilako notwankama tumotumo.
Nomba kwali inkama imo iyo
bashanjebeleko. Uku balefumbika inkonde.



Mucungulo, bamayo, batata na bamaama
efyo banjitile. Naishiba nelyashi. Ubushiku
bulya lintu naile mukusendama,
nasambilile ukuti nshakabwekeshepo
ukwibbila bamaama, abafyashi bandi
nangu umuntu umbi nakabili.




Bushiku bummo namwene bamaama
nababika icimuseke pakasuba panse
yang'anda. Ilyo nabepwisha batile "museke
wankama". Mupipi nomuseke pali
amabula yankonde ayenji aya bamaama
balepilibula inshita nenshita. Nalefyaisha
ukwishiba, eyo nabepwisha, "mabula
yafinshi aya maama?" Banjaswiketfye abati
"Mabula ya nkama yandi"




Ubushiku bwakonkolepo, bwali bushiku
bwakushitisha ku maliket. Bamaama
babukile luelocelo. Baletwala inkonde
ishapya na tute lyonse mukushitisha
kumaliket. Nshacelele mukubamona,
nomba nalibafuluka.




Calinshansamusha ukutaamba, bamaama, inkonde, amabula yankonse, nomuseke uukulu. Nomba bamaama epakuntuma ukuya bombako utumilimo tumbi. Elyo nabebe nati, “Maama napapata lekeni imboneko efyo mucita...” Bamaama epakuti, “uluufwa, cita ifyo nakweba endesha” Efyo naile ulubilo.



Ubushiku bwakonkelepo, elyo bamaama baile mwibala mukuswa umusalu, Naliya lushenshe muku lengela pa nkonde. Ninshi shonse shili mukupya. Efyo nasendelemo shicne. Cilya ndebendelela kucibi, naunfwa bamaama balekola panse. Efyo nafishile inkonde mwilaya nokuya bapita epobali.




Nishi nabwelele, nasangile bamaama
nabekala panse, nombata tapali inkonde
angula umuseke. "Maama umuseke
ukikwisa, nenkonde shilikwi?" Bamaama
epakuti "Fili kuncende yandi iya nkama".
Naliutwa ububi sana.



Ubushiku bwakonkelepo, eilyo bamaama
baisihile mukupempula bamayo, nabutukile
kumwabo mukumona inkonde nakabili.
Nasanga umusemo wankonde ishapyana.
Nasendako lumo natisa mwilaya. Nasha
natimbapo bwino bwino nakabili.
Nabutukile kulukungu lwang'anda nokulya
ulukonde bwangu bwangu. Iyi nkonde yali
iyalowesha ukucila palishonse inkonde
nalyapo.



Panuma yanshiku shibili, bamaama bantumine mukusenda inkoto yabo kumuputule. Cilya naisulafye icibi, akacena kankonde ishapyo kampokelela. Kukati ekwali umuseke wankama. Ninshi nabafisa bwino bwino mubulangeti bwakale. Nafimbulapo nanunshako akacena akasuma.



Ishiwi lyaba maama epakuntinya lintu banjutile. “Finshi ulecita? Endesha ndetela inkoto”. Efyo naendeshe ukutwala inkoto, bamaama epakunjipusha ati, “Finshi uleseka”. Cilya banjipusha elyo naibukisha ukuti ncili nesekelela pakusanga incende yankama yaba maama.